

marai

bliba mšaba dakia

ninhar lbušak utitiaqar dmutak luat hahu abuk mara d rabuta . man hinun Turia
dakiia d lanaidia umrumia mia d lamištania d larat ula`traurat laratalun
qumtaihun bgu lbušaihun d hinun hiia rbia Turia dakiia d lanaidia umrumia mia
d lamištania d larat ula`traurat ularatalun qumtaihun bgu lbušaihun man hinun ahan
d npiš diruia lagrh uzidqh uairuia lbuna uasgubh barqa d tibil d napšia tiqlata
ukulh husrana larat ula`traurat ularatalun qumtaihun bgu lbušaihun mn qudam
tababia ubirqia uanania ulazha ula`tazha mn qudam bišia umargizania d tibil
d hinun ahan hibil ušitil uanuš naSuraiia ušalmania ubhiria zidqa d npiš
ula`nišiuia lagrh uzidqh uairuia lbuna uasgubh barqa d tibil d napšia tiqlath ukulh
husrana ularat ula`traurat ularatalun qumtaihun bgu lbušaihun mn qudam tababia
bidqia uanania ulazha ula`tazha mn qudam bišia margizania d tibil haš hiia upraš
hiia u`tib hiia bziua rba dilhun d napšaihun uamria qum niqnas qnasa d muta balma
hahu d bišia ubdaura hahu d napšia tiqlath ukulh husrana aminTul d adam br alpa
šnia uhauia qrulh unapqunh mn pagrh udla niquš udla nihsuk udlaniqmun mnh bnh
zuTia ušiTuaata bnpiš nibidulh uhaizak qiriua upaqduia uzarzuia hiia rbia
qadmaia lSaur`il šaruia ulqamamir ziuu d šaria udabar ruhia unišmata mn pagra
umuta nitiqria balma ukušTa nitiqria liadia d iadilh kul man d mitqil ulaiiTh
lmuta saiib `l qudamh šitin ušit tiqlata aminTul d muta miqria qria umpaqudia
mpaqad ušaduria mšadar ušuba lanasib uqurbana lamqabil u`niš b`niš lamhalip
uamrilh hiia rbia qadmaia lSaur`il šaruia ulqamamir ziuu hut `zil lalma hahu
d bišia uldaura hahu d napšia tiqlata ukulh husrana uqrulh qala šania ladam
uaprišulh mada Taba lqudamh uamrulh ia adam gabra qadmaia haraša sakla Truša
Tmura qum puq mn gauh d tibil d napšia tiqlath ukulh huarana aminTul d anat br
alpa d šnia hauit d latiquš udla tihsuk udla niqmun bnak minak zuTia ušiTuaata bnpiš
nibadulak uhaizak nhit uata Saur`il šaruia uqamamir ziuu lalma hahu d bišia
uldaura hahu d napšia tiqlath ukulh husrana uaqrulh qala šania ladam uaprišulh
mida Taba lqudamh uamrilh ia adam gabra qadmaia haraša sakla Truša Tmura qum puq
mn gauu d arqa d tibil d napšia tiqlath ukulh husrana aminTul d anat br alpa šnia
hauit udla tiquš udla tihsuk udla niqmun bnak minak zuTia ušiTuaata bnpiš
nibdulak uhaizak ham adam hima lbaš hima u`tlabaš hima `tkasia uruqh halia
bla umarira Tarilh ušadilh barqa u`tigbib ula`pšiT uliba kariuta `tamlia
ubainh npalh dimihta uqda uialil ubka u`dnai u`štaTia umalia `dh unapiS ltarbaSia
hadia uamar ia qala d ldilia qaria ia mada Taba d lqudamh `tapraš ana br alpa
d šnia hauit balma hazin ubaiina mikal alpa d šnia huriniata balma hazin d ldilia
aitan bgauh d briš guparia mitaklin mn qudam tumria d haizak tumria mitiklin
briš hapura mitkil mn qudam šumbliu tum balma hazin d ldilia aitan bgauh
briš iarqunia rgigia mitaklin mn qudam ašnia uhaizak mitiklin ašnia amarlun nisaq
lpumh d praš ziuu ulkiph d iardna rba d hiia ulbiniana rba d abahatan unihizia
bauania d iardna rgigia hauin lmikal hin ašnia haizak sliq uata Saur`il šaruia
uqamamir ziuu qudam hiia rbia qadmaia uamarlun lhiia rbia qadmaia mida
iaditun umiglia glilkun abahatai ukasiata lqudamaikun mgalala uasburia
labaiitun ušaiulia lmsailitun aminTul ladam anin amarnalh hu rihmh lSauta
uragagta d alma hahu umn gauh labaiia d nipuq uhaizak qiriua upaqduia hiia rbia
qadmaia lSaur`il šaruia uqamamir ziuu uamarlh nhut `zil lalma hahu d bišia
uldaura hahu d napšia tiqlata ukulh husrana uqrulh qala ladam uaprušulh mada
Taba lqudamh uamarulh ia adam `dalma `niš `ka d minak hakim uiatib upugdamia
basimia maliplak uamarilak hinila qum puq mn gauh d arqa d tibil d npiš

tiqlath ukulh husrana udla tiquš udla tihsuk udla niqmun bnak minak zuTia
 ušiT Tuata bnpiš nibadulak uamarulh ia adam qum mut kd d lahu it ula`hambal kd
d la`št auit aminTul d nišimtak lkana mibia ulbit abu rba qadmaia uldukta d huia
 mn laqadmia haizak nhit uata Saur`il šaruia uqmamir ziu a lalma hazin d bišia
 uldaura hahu d napšia tiqlata ukulh husrana uqru lh qala ladam uaprišulh mada
 Taba lqudamh uamrilh ia adam `dalma d `ka d `niš minak hakim uiatib pugdamia
 basimia maliplak uamarlak hinila qum puq mn gauh d arqa d tibil d napšia tirlath
 ukulh husrana udla tiquš udla tihsuk udla niqmun bnak minak zuTia ušiT Tuata
 bnpiš nibadbak uamrilh ia adam qum mut kd d lahu it u`thambal kd la`št auit
 aminTul d nišimtak lkana mibia ulbit abuia rba qadmaia ldukta d huat mn
 laqadmia uamarlun iaqaruia d ldilia qaria ia mada Taba d `l qudamai maprišlia ana
 br alpa šnia hauina ubaiina d `kul alpa d šnia huriniata hin`la `zil lšitil br
 hahu d mibilh lalma hahu minai ianuq rgig br tmanan šnia hauia balma hazin
d lšipula d atu at ladriklh upuria rurbia lahualh ulašmiTlh hirba ulašdilh bgu daria
 zma hanath hu d mibilh lhanath alma uhaizak ata Saur`il šaruia uqamamir ziu a
 qudam hiia rbia qadmaia uamarlun hiia abahatai mida iaditun umiglia glilkun
 ukasiata lqudamaikun mgalala uasburuia labaiitun aminTul d adam anin amarnal h
 uadam lšitil brh šadranan uamar ana br alpa šnia hauina ubaiina d `kul alpa d šnia
 huriniata uamar `zil lšitil br d minai ianuq uminai rgig br tmanan šnia
 hauia balma hazin d lšipula d atu at ladriklh upiria rurbia lahualh ulamišmiTlh
 hirba ulašdilh bgu darh zma hanath hu d mibilh lalma hahu uhaizak qiruia
 upaquia uzarzuia ušadruia hiia rba qadmaia lSaur`il šaruia u`l qamamir ziu a
 uamarulh hut `zil lalma hahu d bišia u`l daura hahu napšia tiqlath ukulh husrana
 uqru lh lšitil br adam uaprišulia mada Taba lqudamia uamarulh ia šitil br adam
 qum mut kd d lahu it u`thambal kd d la`št auit aminTul d nišimtak lkana d napša mibia
 uldukta d huat mn laqadmia haizak nhit uata Saur`il šaruia uqamamir ziu a lalma
 hazin d bišia uldaura hazin d napšia tiqlata ukula husrana uqru lh qala lšitil br
 adam uprišu mada Taba lqudamh uamarulh ia šitil br adam qum mut kd d lahu it
 u`thambal kd d la`št auit aminTul d nišimtak lkana d napšia mibia ulbit abuia rba
 qadmaia uldukta d hua mn laqadmia haizak amar šitil br adam ia qarua d ldilia
 qaria ia mada Taba d lqudamai `tapraš glilia d ana br tmanan šnia hauina balma
 hazin ulšipula d atuata lardaklai upuria rurbia lahualia ulašmiTlia hirba
 ulašdilia bgu tibil zma `zil lab adam br alpa šnia hauia balma hazin dla niquš
 udla nihsuk udla niqmun bnia minh zuTia ušiT Tuata bnpiš nibdulh uamrilh ia šitil
 br adam mn qudam d hazin qala d ldilak qrinalak ladam qrinalh uamarnal h ladam
 abuk uadam ldilak šadrinan uamar šitil br adam bruianh d nipšia dahilna d `mar
d lanapiqna mn pagrai `dalma hiia rbia giuTa rba `lai šabqia batra dilhun
d napšaihun uhaizak qam šitil br adam uba rahmia rurbia ulazuTia haizak šihlia
 l`uSTunia d bisra uzma ulbaš `uSTuna d ziu a uTarTabuna Taba dakia d nhura d tšima
 utšin alpia ruban nahur nhuria mn nhura d šamiš utšima utšin alpia ruban taqun
 tuqn h mn tuqna d sira ualip alip uruban ruban `tria mdabrilh mn iaminh umn smalh
 ziqia ziqia nasbilh lšitil br adam u`udamia `udamia mdabrilh uasiq
 uaqmuia banana rabtia d nhura ubaia rahmia napša rba ulazuTa uamar šitil br adam
 baiina minaikun hiia qadmaia umn hiia tiniania umn hiia tlitaiia umn iupin
 uiupapin umn sam mana smira umn gupna d kulh hiia umn `lana rba d kulh asauata
d nišqululia ladam ab bluqia mn ain h usikia mn `udn h ukusil h bisra mn lib h unihizia
 lalma hazin d ana azilnalh uhaizak silqat bkith uškith udnuth lšitil br adam
 lqudam hiia rbia qadmaia šqalulh bluqia mn ain h usikia mn `udn h ukusil bisra
 mn lib h hizih lhahu alma d azilbh šitil br adam uamarlh br atalak ana
 azlinalh lalma hahu mibinalh uamarlh `zil saba d lahakim umariba rba
d lapraš miaka d raq ruqa mn pumh u`tkamar mibilh mn riš miaka d npaq `ula mn kras
 `mh hdar b`mia ailuia hinila akuat d ana nipqit mn alma hazin bla šnai nitia
 `ula mn kras `mh kd muqra d bita nitun dirdqia gaunia kd pumaihun mlilun

halba nitaian `ngiriata mhatamata ptulata unitaian hidutata kd miša naTip mn
 klilaiin nitun dirdqunia bqiria udirdquniata kd pumaihun d biriata nihuia qiria
 balma hazin nišailunh maria baita lmuta umuta laniqrublh alma
d niTarTilunh unibihtun kul man d nimar d hazin ianuq nihuia uhazin d qašiš nizal
 tihuilia šaialta batra rba bit rurbania ziqia ziqia nasbilh lšitil br adam
 u`udamia `udamia mdabrilh uasiq aqmuia `l maTarata d šilmai gabra ganzibra
d sakia d ziua b`dia lgaT uqlidia d kušTa btrn draia ptulh baba d bit ginza
 udalulia br guda rba d šrara uaiil mahuilh hahu gupna d hua mina u`lana d šatriš
 mn gauh hahu gupna d bgauh ziua uganbia nhura u`qbh mia uauph `utria ualuath
 pasimkia d nhura ubazirh kana rba d nišmata akliā d lahua SaiTa šatan d lahua hamra
 aiar ziua br hiia rbia rišaiia d anuš akliā uašatia uatia ruaha d hiia ušaria
 `lauaihun ugadlia klilia ruaha umahtia brišaihun uahkia usahqia ugaia
 umitparpia `l `qar giua ušahbibh b`qara ušaria `lauaihun uamar šitil br adam
 hazin `uhra udirka umasiqta d ana sliqiba nisquba unituba anašia kšiTia
 umhaimnia ušapiria ušalmania kd napqia mn pagraihun uhaizak kušTa pšaT
 hiia u`utria umalkia d arqa d nhura udaura taqna u`hablh `da d kušTa lšitil br
 adam hiia simak lhiia hiia aška dilun hiia dilun aška uaškat nišimta d msakia hiia
 liadan uhiia lsabran uhiia lgubria masbiranan utimrun uqaiamin hiia bškinatun
 uhiia zakin sa
 . bšumaihun d hiia rbia kd huat hašabta mn bit hiia šadruia paruanqa d ladam ata
d miširiia ulapuqh mn pagria minh d hazin alma mn sada umn `sura umn šidiriata umn
 qulalia ulapuqia mn arqa d bnalh ptahil ušuba šubaiahia uaiil ašruia uautbuia
 lmiširih ulmapuqh mn pagria SaSa uzapra akla umhambla aria haTipa unura d iaqda
 umhambla mn diba mdaibh umn iama d lamgašāš umn bidqa d lamistkar umn tanina
d hdirlh lkulh alma d `niš bhailh lamSia haizak `taprišat nišimta bgauh d pagra
d adam qamitapriša uqabaSra `uSba hda bpagra qabaSra iatib uamar nišma mn ruha
 upagra zapra mahu iatbinin umahu šakbinin ulamzaudin in zuadia l`uhran d ligal
 atia šaruia `lan umapiqlan minh d hazin alma zibna amar nišma mn ruha upagra
 zapra ruha upagra zapra paršigna la`hablh `l qaiim uamar nišma mn ruha
 upagra zapra asgia šaruia ata asgia ata šaruia umaTia gabra paruanqa ata
 qamlh `l `sadh ladam `l `sadh ladam qamlh umatarlh mn šinth uamarlh qum qum
 adam ušuhlh lpagrak zapra lkitun Tina lpagra saria d huitbh šuhlh lilbuš
 pagria d huitbh hubTia briš d šuba utisar gubria abduia ušamar ušubqh bgauh
d alma aminTul d zibnak mTa lminpaq ukilak šlam minh d hazin alma hiia šadrūn
 `lak ubaiilak ulatra d hiia mizlak latra d huitbh mn qdim ldaura d abahatak bgauh
 iatbh kd haizin šuma adam haulil lnapših ubka haulil ubka lnapših u`štarialh
 bainh dimihta adam lpumh pith d nimarlh lgabra paruanqa d ata `lh ab kd ana
 atina minak haizin tibil hazin napša man nihuia bgaua naTra hazin haua zauai
 man nihuila Sauta hazin šitlia d šitlit man nihuilun bdaria simaka man simaka
 bdaria nihuilun hazin baita d daribh man daiarbia mn abatrai uman hauia bgauh
 hazin daiarbia mn abatrai umn hauia bgauh hazin kd dara diqla Tuna udara knara
 simadra man nihuilun naTra kd atia prat udiglat man dara mhara b`dh umdabar
 mia lšitlia kd iadla iadalta man haulun ania man Samid pdan tauria umdabar bazira
 barqa mn lagiT karkušta b`dia umkarkiš aqnia ldibnaihun iamuria
 lbaqaraihun umkaniplun liatimia ukanpa d armalta man malila man malbiš arTilana
 usaiimlh bSaurh `uSTla man mpariq šibia ušadilh lmata tigra malil d nimarlh
 paruanqa d hiia d `l adam ata ia adam qum saq latrak ldaura d Taba d huitbh mn qdim
 latra d larba šamšia ušragia d nhura lahaškia sab lbuš lbuša d ziua u`tkasia nhura
 iaqra truS klila klil zakauata d almia bgauh nahria `usra lhimianak himian mia
d kibia unTiTia litbh `tib lkursiak d ziua d hiia traSlak mn riš briš `nšia
 lbit munqak d kul ium ukul iuma ridpa minh sbalt latikrilak adam `l atra hazin
d huitbh aminTul d atra hazin harub udaura kulh bSadia iatib mištibqa umištamra
 `bidata luat hdadia laqarba kabra bgauh bišuta uaiTa napiš bmdin mdin bnia

kapria babuhun ubnata b`maihun kapran ahia gaTlia hdadia uahia mn bisra hdadia
 aklan kul gabra d šabaq zauh ukul atuat d zaua šabqa 'l d latitia bišuta uaiTa
 bdaria mištabiq 'la d lahun iatimia uarmilia uarmalata ubnia šibia anat adam qum
 puq mn hazin alma uminh d pagra zapra adam lpumh pihth d nimarlh lgabra paruanqa ab
 `u `ditun d hazin hauia lmahu šabištun uatitun uaiiltun lgauh d pagra zapra
 hašta kd napiqna minh mn pagrai man nihuilh naTra kd šakib man maukilh umn mašqilh
 uman hauilh bdaria Sauta kd qaimia `lh rimia ubarqia `lh birqia man hikla ubuna
 banilh uman Tlala abidlh lau m`iatin hiSbia uhaSbilh uatia šamšia unapla `lh
 ziqia nasbia hillia uaqapra ramin `lh lau mikanpia Sipria uminh d pagrai aklin
 minh aklin d pagrai ubmanzia qina qanin umn bisra lqinaihun masqia umašlilh `l
 lbušai umsadqilh ldiqlia man d hauilh hizua ab`u baiit d`tia minak nitia
 pagrai minai biluatai pagrai nitia minai unihuilia Sauta b`uhrai ab u`mai
 litlia d nitun minai biluatai dahba ukaspa lamidralia ulalauilia d`dirh minai
 bizuadai unitia minai biluatai malil uamar paruanqa d`l adam ata kma
 karialak ugmiTalak adam lpagra saria d huitbh pagra bit hiia miaka upagra lbit
 hiia lasaliq malil uamarlh adam lparuanqa d`lh ata ab šliha d hiia `u hinialak
 ušapiria `lak `la titia haua zauai minai biluatai tihuia uSauta b`uhrai
 bnai ubnatai nitun minai unihuilh Sauta b`uhrai kd haza paršigna šimat haua
 zauh minh d adam ašliat bqala uqihdat ašliat uqihdat bqala u`štaria baina
 dimihta uamralh ana `tia minak biluatak adam huilak Sauta b`uhrak malil
 d nimarlh paruanqa d hiia d`l adam ata pagra lika bit hiia upagra lbit hiia lasaliq
 laba ula`ma ulahia ulahuata uldahba ulkaspa ruhSana bit hiia lanihuilak hinala
 `niš `niš `ubadh uagrh uzidqh urušumh umaSbuth u`l `bidata d abad mištalia kd
 napqia mn pagraiin `l maTarata mištalia adam limalak ahia d zipa d saipia
 uahuata d zipa d lakašran ahak `utria d kušTa uahuatak škinata d mhamna kul ium
 ukul iuma bit hiia qaimia ubuta d napša ukabira baiin `lak adam dahba limalak
 d baTil ukaspa limalak d hšuka bgaua d hazin alma `uhra d azlinabh napšia usaka
 litlia lakalba parsia ulamandaz bgaua kudka šbiqiba gziraiia umaTaraiia umaksia
 iatbia `lh hšil umatna zaina umsasqal umatna parzla urhtia dudia `l nišmata
 d bišia naTria iama `ka b`uhra iama d mabra litbia hinala `niš `niš agra uzidqa
 mqariblh umabarlh `ubadh hauin lqudamia paruanqa `uhra d azlinabia ml`ia kuba
 uaTaTa hdirlh šuba šuria Turia d lapruTbun pruTta triS uiatib muzania umn alpa
 bahar had nišimta d Taba uminihra kd haza šuma adam haulil lnapših ubka udimh
 d hlia natra haizak adam mn pagra npaq hdar hizia u`standar karialh d nišibqia
 ulamaTia `lh d nišamrh ušamar baiar mizlh mšamar uazal adam kd Sipra d laqna mina
 ulapa ulahualia bnia šamar uazal adam kd Sipra d ganpia Salh uTaiis uazil balmia
 udaria udamia kd hiuta d mn gizra `tpisqat udamia larba ziqia utababia šamru
 udamia laria d pliT mn sinduarth ulhizura d pliT mn TarTiunh uamar uazal adam uai
 uai d šabiš ahai apqun mn binataihun uaiil šdun urmun bpagra zapra aria
 mhambla aria mridia mardh aiil rmun btanina d hdirlh d lkulh alma aitun urmun luat
 šibiahia bišia d kul ium rmilun marula ukul ium zaina hašlia `lai bnulia prikia
 d Tina uSilmia d zipa ukul ium ukul iuma lqudamaihun gazria gzariun Tablia
 uambubia laSTuian binataihun ana bhailaihun d hiia rbia ašrit uazlit
 binataihun ana lahuait habraiuhun ulapilgit mnata binataihun ana `tit d mipaq
 napiqna ubalhudai napiqna ubalhudai šarin tigras kd šabšun `utria ahai uapqun
 minh mn atrai uaiil bgauh d pagra zapra qas pu lalit uladaribh šita hda `la
 bTašibh upandilh brišihun d šuba utrisar gubria d`bduia usasqil aqmuia hinila
 kma hua šapir pagrai hua ukma hua sn`iia gubria d`bduia ukma hua hakimia
 ušapiria Saiadia d Sauruia uzarpunaiia d zarnipuia šapir abadulh riša usasqil
 abadulh manzia sasqil manzia abadulh uprašulh briših parušta ublibh špaklh
 hukumta abadlh tartin ainia d minihra `umama ulilia abadlia tartin kauia d šuta
 d hiia sablia abadlh baba rba d kul ium lhiia mšabilun abadlh tartin `dia d kul
 ium abda ulahalia abadulh tartan ligria d mn madna lmarba sagia hašta

qumtḥ ḍ hua šapira uazal aqapra urima hua bit qubria aiṇh manzalata hdar
 habara ḥ `stakarlḥ tartin kauia ḍ šuta ḍ hiia šama 'stakar baba rba ḍ kul ium
 lhiia mšabalun 'dḥ ḍ abda 'umama ulilia ulahalia hašta Sipra mn pagrai
 ladhlia ligrai ḍ sagia parsia mn qudam Sipria larahTḥ kariaia ḍ 'šibqḥ
 ulamaTia `lai ḍ `dirḥ amrit ḍ `ka nizal u`dirḥ lpagrai 'tlia 'šiatḥ npal hibTit
 ušraitḥ `l pagrai uazal aqapra urima hua azal aqapra hua urima u`tpalag unpal
 bmdin mdin umla baba ḍ bit qubria ahia hdadia lazabnia `u zabnia ahia hdadia
 pagra lbit qubria lamTa lamTa pagra lbit ulašlatḥ lpagra nišimta 'u zban aba
 lbrḥ zargiania btibil lahun `u zabnia bṇia abuhun iatimia btibil lahun `u zban
 gabra zaua armlia btibil lahun `u zibanat `nta zaua armalta bšuqia la'tqiriat
 haizak malil uamarlḥ paruanqa ḍ hiia ḍ `l adam ata ia adam kma karialak
 ugamTalak lpagra saria ḍ huitbḥ dal ainak hzia anana ḍ nhura ḍ alanpak dilak adam
 atia ḍ mdabrilia arba gubria bṇia nhura balip alip parsia sagan anana ḍ alanpak
 atat `pikia umitnibḥ `uSTlia ḍ ziuu uTarTabunia dakiia ḍ nhura umatnabḥ klila
 rauzia ḍ napšia usaka litlun uamrilḥ arba `uturia bṇia nhura ḍ `lauia atun
 amrilḥ alma bakit adam ušaplalak bainak dimihta amarlun abda ana ḍ lamara uamrar
 malka `lḥ uamarlḥ anat adam braiun ḍ hiia rbia abdaiun ḍ hiia rurbia anat abdaiun
 ḍ hiia rbia ata bšlam bhiria dakia zakaia ḍ hiia zakiuia ata saq `tib banana
 rabtia ḍ nhura dikrak daura taqna `dikruk abahatak aminTul ḍ luataihun huit
 uasquk mn alma ḍ ptahil alma ḍ lau mindam hu adam lpumḥ pihtḥ unimarlun l`utria
 ḍ `lauḥ `tun `u hinialkun `u `utria ahai 'gargulia šita hda šita hda 'gargulia
 'šadar haua zauai titia minai biluatai malil `utria ḍ nimarulḥ ladam riša ḍ kulḥ
 šurbtḥ nha ušduk adam unihuta ḍ Tabia tišria 'lak utiqablak anat salqit
 latrak azlit uhaua zauak abatrak tisaq salqa kula šurbtak abatrak atia uhaizak
 saipia kulhun daria ukulhin biriata auda ukulhun biria uiamamia iabšia
 uzabia unahlia miabaštun hauia umitpasasia unaplia Turia uaramata ušaplia hadria
 usaipa babil uburSip hauia kḍ ḍ lahuat mitpasasia bit parsaiia ubit rumaiia uhauia
 kḍ ḍ lahuat sind ubit hinduaiia lihdadia naplia uarqa ḍ bit simraiia uTuraiia uTura
 ḍ parzla hdadia gaTlia udina amria mn gaTlanun uarqa amra dina mn man ḍ ašadba
 zma ḍ br adam himbil Silmia akuatḥ ugziraiia uagzar `bTia ugaiaria
 uganabia uzipania umahuqia uapkia miSria umšania kudkia uharšia uharašata
 ukumria uzibia uadidia ušaTamia umrašmania ukaSumia ukaldaiia liaqдания ḍ nura
 azlin kḍ arqa napla bhumbaria u`šumia qaima adinqia kukbia ušamiš usira latraiuhun
 azlia upasimka latra azil uarba ziqia ḍ baita latraiuhun azlia ukulhun bišia
 l`umqia ḍ hšuka šaplia anat adam Tubak ḍ `tabhart usliqt mn alma ḍ malakia
 umn kariuta ḍ hazin alma anat adam latikralak `l alma hazin ḍ npaqt minḥ mn
 atrak napqin dirduqia gaunia kḍ akandit madaihun la'praš napqia 'lamania
 u`lamaniata Surania uSuraniata kḍ ḍ laras ulamkar napqia hidutia uhidutata
 uaqapra napil bqilbaiin mištalpia sikia gnanun uriqin napqin mn alma bataiia
 ubataiata qanin umšamrin bataiun uazlin kalin ldbar 'šiul sabia umaria batia
 šaililḥ lmuba ulatia 'lauaiuhun ubla Tamun napqia mn alma malka mšamar tagḥ ubnia
 haria mšamria giutaiuhun `nšia auid šupraiin harata auid rgagin ubhipia azlin lbit
 qubria anat adam asa q`zil `umrḥ ldinak qudam malka ḍ nhura uqudam hiia rbia
 qadmaiia `l dina ḍ alma ḍ huitbḥ uamarlun hiia rbia mahu abadtun lhazin alma lmahu
 ḍ paqidtun lšurubta mn binataikun ultibil šraitun tigra hašta ldilia lmahu
 baiitun ukulḥ šurbatai ualma kulḥ aqimtunḥ bSadia kḍ ḍ lahuabḥ naTra ušuba
 utrisar mištalTia 'lauaiuhun balma ḍ napšaiuhun balma ḍ šurbtai dilia qaimia
 umitradpia ha hinialkun rbia ušapira 'lauaikun hanatḥ alma lanihrub uninhar
 ušurbtai dilia minḥ latipsiq ušumaikun dilkun hiia rurbia qadmaiia mn hatam
 lanaTar halin škinata ḍ škan hibil ziuu lanihirba uiardna mn hatam laništqal
 ušibiahia uruha umšiha bgauḥ laništalTun uamrilḥ hiia rbia qadmaiia ladam
 riša ḍ kulḥ šurbtḥ ia adam anha b`rutak unihuta ḍ Tabia tiqablak hibil ziuu haka hu
 u`utria ahak haka hinun uiardna kulḥ haka hu uanat adam haka šarit uhaua zauak

lhaka atia ukula šurbtak abatrak salqa haza h' škinta d škinalak ldilak adam
uhaua zauak lqudamaihun d hiia rurbia qadmaia alma liuma ium dina ualma
lšita šaiia d purqana alma liuma rba d qaiamta uhaizak qaimit anat adam
ukulhin šurbatak larqa d napšak azlit ul'uSrak anihh uautbh`l libak lsamkia
uhiia zak`in sa hazin sidra kd k`lh šalimlh ladam hušbania
bdaria `tbadruia qaria umapriš manda d hiia uamar agzarta tihuia lkul man
d mipaq napiq mn pagrh mn alma d aith bgauh ubaiila lSauta urahim dahba ukaspa
udla hazia amar udla šama mištaiia upašiT binia ahia upalig bnia mn abahatia
umauzip ušaqil hbulia uakil piqrSa zuTa uapik miSria umšania kudkia uabid
`bidata sainata d hazin niliTia manda d hiia b`uhra d azil adam riša d dara
lanizal ulanisaq ulanihizia latar nhur kd d salqa nišmata Tabata lbit hiia
hinila hu nitkamar mn atra rba d nhura mn daura taqna hiia liadan hiia
lsabran uhiia lgubria masbiranan uqaiamin hiia bškinatun uhiia zakin lkulhun
`ubadia sa
. bšumaihun d hiia rbia hazin raza usidra uprišata upiasa ubuna d apriš manda
d hiia uamar lbhiria zidqa kd kilh šalimlh ladam umn pagra npaq haua zauh nagda
ulagTa `blia umalia ukabša ulagTa iumia rurbia uiaqiria uatat ruha uiatbat
lqudama uamralla haua alma nasbilik šahriria d armalata ušiaTa d adam matiala
bnambiata u`da ramia lhdadia uguha gahna barqa uamra habrat man d npaq
minik d šalit uiatbit ularagzat haizak ruha h' ukulhin liliata d mina ušariat
haua umalia ligTat uamralla ruha lhaua hab malia bnpiš nilgaT `lh harta d lalagTa
mala lhabarata basima uhaua lruha Saitala ukul amra ruha lhaua qablat mina
uana hibil ziua iadana bnpiš haTaiia `tla lhaua bhašabta qaima kariuta
uliba bplugta qam ubhasiruta qaima uluat adam laqarba hiia abahatai ldilia qrun
uzarzun upaqdun ušadrin uamrilh anat naSba d šurbta mšarhib šurbata d adam anat
aiilh lbit gnana ladam uanat škantlh bit pirSa lhaua anat `zil piasa ahbala
lhaua uaniha lliba lsamkia uamarla nišma npiq minik anpa nahrilh bhaduta uruaha
bnpiš maška lnišmata masiq luath mn tam napuqa d npaq minak uqnasa qudam hirba
d hu d kulhun anašia d bqala d hiia sahdia ubšuta nukraitia mištaiin bqnasa qudam
hirba napqin b`uhra d hiia masgin bšbila d npaqibun gubria bnia šlama tum
`stimik bhiia ulškinata d rurbia `qara `štauzab ap anat abatrh ligal atit hin
kaprit ainik mn dimihta ušaqit kanpik mn rišik uaiTa ukariuta dahit mn `uSrik
udahit `blia umalia mn libik bqnasa d qudam hirba masgit b`uhra d hiia unapqit
bšbila d gubria bnia šlama tum hazin pugdamia amrilh abahath lhibil ziua uasgia
uata lqudam haua ukap šipula uTarTabunia u`tib bšuta basima lhaua u`štaiila haua
mnakria b`uSra ualanpia bakia uamralh mihzilak nišma d npaq minai uamarla nišma
d npaq minak triS bguat `qara unahrilh anph bruaha d aška utriS bhaduta rabtia
d nhura uamarla d šiTit bšiTuata d šibiahia ublia umalia lagTit ubakit ušahriria
dauit uaiTa ukariuta mailit l`uSrik uamra d nilguT malia u`tigna guha
u`STarar ainik dimihta ušiaTa d adam matialh lhaua bšuta basimtia u`štaiila bšuta
braita `uSra d mnakria `tahdarla lanašia nukraia uliba traSla lbit hiia
šqila `blia umalia mn anpa ušqala mn aina dimihta uamarla lhaua hzia bšiTuatun
šiTit hinila haTaiik nišbuqulik aminTul d šibiahia ašiTuk uhašta ninharulik ainik
qum bhaduta d giuat `qara ušaba lnišma d npaq minak ušadarlia buta utušbihta
bhaduta uqamat haua ušibqat `blia umalia rurbia uiaqiria utušbihta uqamat
uamra haua haTaii šbuqulia mn aqbal d ašTtan ruha ušibiahia ubmalia iatbit unigdit
malia rurbia uiaqiria uamralh haua lhibil ziua alma d lalagTtan u`tib `luatai
`uSrai d marim lanihth uladhith `blia umalia ukariuta mn babai ulamartlia šuta
nukraitia ula`štaiila bšuta basimtia ulamartlia bqalia basima uamarila bqala
basima bhira d npaq minik ana huitilh paruanqa ana adith lmaTarata ulguha urugza
d hazin alma ana adita lptahil d hu qiriia ana hauith bit abatur uabatur `da minh
pšaT amTith tiniana mn ziuu auzip `lh abirth hapiqia mia uhauith rbia usmiria
bškinatun šrita b`ndrunia uhiklia hadtia d lamšarin nSabilia škinta d ziua

uasgit `lauik atit uamralh anuš alma luatai ulakbaš minai razia mardia amarla
 la`tib bit hambagh ubit bildbabh la`takšar amralh ana huit hambagh `u adam
 siniuia hua uamarla anat huit hambagh ulau adam siniuia hua šuba hun hambagh
 utrisar uruha hulh ridpa kulhun šibiahia `lauh brugza mithašbia qamat ruha
 ušibiahia kibšat unipqat uamralun saTia umasTia haua bqala nukraia bšuta basimta
 sahda ušuma d adam lamatia lpumh bnambaiata ublia umalia lalagTa uhzath lgabra
 nukraia urhamth ušuman dilan lamatia lpuma limalan d `tabnin luata unaTrinala
 u`blia umalia rurbia uiaqiria uqamat haua btušbihta šibqat `blia umalia ukariuta
 qamat unihrat bqala nukraia `štaiat bšuta basimta unahralla alanpia d gabra
 nukraia d nhura uamralia anharan anharan naSbai d `utria gabra d aprišan mn
 kulhun gabra d šqal kanpai mn rišai ukapir ainai mn dimihta uruha minai `blia
 umalia ukariuta ušiaTia piTra d šibiahia rmun `lh urmat `udna lqala nukraia
 u`štaiat bšuta basimta uasgit mn aluat haua uluat abahatai mizlai `štaiilun
 `l d abad šibiahia u`l d abadulh ruha lhaua uladam ul`nšia upariqta mn malia
 ukaparila aina mn dimihta uaqimta btušbihta u`nšat `blia umalia ukariuta uguha
 d šibiahia abad uqamat šiqlat ainai lbit hiia ulšbila d manda d hiia atabh ukul
 ium ukul iuma amralla l`mat naSbai unitia uSubian mana nibad umn pagrai napqan
 uniasgubh b`uhra d bnia šlama ubšbila d gubria zadiqia `puq bqansa d qudam hirba
 u`hizia lhak gabra d ainai msakialh latra d manda d hiia šribh ulhiklia hadtia
 ulhilbunia d šribun ulhiklia hadtia d lamšarin ušrun šibiahia lhaua mradpila
 uridpa bnpiš `la šabqia ultušbihta qaima haua ulmanda d hiia qarialh uamralh
 anat manda d hiia bligal huilh paruanqa uparqan mn alma hazin d bišia hambalia
 kul ium `lai mithašbia lbiš urazia `lai kabšia ullbuša d qaimanibh u`l
 d lašamana mn šutaihun `lan bzida mitmiklia ulrazia kabšia `lan uamria bhirba
 ninisbunan lbnh d adam uasgia uata manda d hiia uligTa lhaua mn qudam qnasa d hirba
 u`blia umalia aTar mina uhaua d hzath lmanda d hiia `štaTiat uniplat lqudamh
 uamralh lTabia `tit marai qnuslia qnasa uapqan ha ana hiia šihlun uzarzun ulhaka
 šadrin `lik dilik nišimta ulginza d abahatik nibad niplat haua bqirsa udaguša iuma
 upalgia uatat ruha u`tibala lhaua lqudama uamralla alma hiia napqit harta ušabqit
 batia d lamaruata kd baiinalik u`lia nizal u`lia niuilak ruhSana uhaizak ata hibil
 ziua umasbarla mn pagra mapaqila uamarlun hibil ziua `l šibiahia qum dra `ubadia
 `daikun uparhiza uamarla ruha lhibil ziua kul ših ših nisbit minaian udla
 mindam šabqatlan ldilan uhaizak amarla manda d hiia lruha anat `ubadia `dik mn
 hdadia `štkin uman d huabh nizal ldaura taqna umzarizla lšurbata d adam uamarlun
 kulaikun zariz hdadia d naTria šapiria šabqia šabqilkun `zil `iašria lhaua
 b`ndrunia hadtia d lamšaria u`hda u`tia `lauaikun u`parqinkun u`naTrinkun
 u`šauzbinkun u`nTirinkun batra d bit hiia `zil `nSiblkun škinata aluat
 abukun uata šiTia d šTa uamarla `diarutak tihuia `lai dbar u`saq u`tqaiam aluat
 ab triS bškinta hadtia uamarnala kul man d `STa minaikun hazin aluataikun
 mitriS ušairin bnh d adam ubakin Sairalun bainaihun dimihta uamralh silqit
 uazlit uldilan mahu šabqatlan uamarlun `zil `qaima l`maikun u`iasgia `tia lka
 u`zlit uqaiimta lhaua hatam bgaua d škinta uamarnalun lhiia rbia lšurbata
 d adam uamria hiia rbia šlihit bparuanqia `lauaihun `tit `štihlit lka ldaria
 ulalmia parirh lšitil zuTa unTarh mn kul Sbu traSlh klil ziua upariqth mn
 alma qaiimth bškinth u`habilh ziua iaqra upariqtinun lbnia d adam
 uasiqtinun ldaura taqna `tniSbat hazin šurbta haita ušuba d hualun ridpa haizak
 hazin piasa ubuna d apriš manda d hiia u`hablun lbhiria zidqa gbilia bisra
 uzma uamria d niligTun `blia umalia d šibiahia uamria kul man d našar lhazin
 piasa nitriS dukta d triS adam bhaduta d nharulh anph akuat haua zauh d adam
 d nharla anpa bhilbunh rurbia d kasiia piasa hazin d ahab manda d hiia ladam ukulhin
 šurbath d adam uamar kulman d nišma unipuq minh bhaduta nitnaTar `lh hinila
 `blia umalia rurbia lanilguT `lh hinila bhaduta d kušTa nibia unaška akuat
 adam d ba uaška uamar u`štma bit hiia umšabin hiia uhiia zakin uzakia manda

d hiia urahmia šumh sa

. bšumaihun d hiia rbia ubšumh d manda d hiia iatib almia hazin ziua unhur hiia mipaq ruha unišimta mn pagra umn kitun zma ubisra umn dudia d rahta umn atunia d šgiria umn nangria uaSaSia umahSia uazil hazin nišma ubga bhda maTarta d kbišiba mana sada hlaSa ungada udin d ladin dainilin lnišmata haiabata bšauTa d nura mnangirilun lharašia ulharašata kd rihšia lpumaihun d atunia šadilun 'lh atrh kd qaiim hazin nišma nad utnauad unadalia kulh qumth balbušia ulhiia rbia 'laiia mqaria uamar ka hinun d hiia rihmit ka hu kušTa d bilbib šralia ka hu zidqa d bkanpia aulit uamrilh ia nišma anat latra d nhura salqit lhia rbia u'laiia mahu d mgarit hab šumak urušumak d nsabt mn gilia mia umn 'uSria d ziua umn mariba rba u'laia umn iardna rba d asauata umn mambugia rurbia d nhura latrh kd qaiim hazin nišma pahta uqaria umhauia uiahib šumh urušumh ubirikth umaSbuth umindam d nsib hazin nišma mn gilia mia umn 'uSria d ziua umn mariba rba u'laia umn iardna rba d asauata umn mambuhia rurbia d nhura umn hiia rbia u'laiia unpal liTia alanpaihun uamrilia 'zil nišma rhuT umaTia uandib saq udun uzkia uamar u'stma qudam hiia rbia u'laiia adkar 'lauaian uamarlun qudam hiia rbia u'laiia man madkar 'lauaikun anatun gabaria uanin mkikia anatun alahia uanin anašia anatun 'ubadaikun umabadaikun d napšaikun nadkarun 'lauaikun ana misaq saliqna u'utria ahai salqia lqudamai ul'utria ahai mšaiilna uamarnalun haza maTarta man h'uman mabaTba 'utria ahai amarilia hazin maTarta d nbaz hazila d 'šumia h' sadana rba d arqa lbab almia kursia rmilh ulkulhun iamamia šipulh mgargilh uriših mhill btilbunia uligria matnalh b'bdunia titaiia d hšuka uamar mabaTba bhaza maTarta kumria uzabia uadidia d rmun himSa guTra ubarata uprišaiia urišaiia d aprišaiia mn luat hdadia gubria d šabqia 'nšia u'nšia d šabqia gubria apkia miSria umšania kudkia mabaTilun bhaza maTarata ursanqilun bhirba unura umia u'sata alma liuma ium dina ualma lšita šaiia d purqana adita lhanata maTatra uamarna tum hauqa udahalta uziuihta urtitia lqudamai laiit uazal hazin nišma bga bhurintia maTarta d kbišiba d mana d sada hlaSa umSara ungada udin d ladin dainilin lnišmata d anašia bišia ubšauTa d nura mnangirilun lharašia ulharašata kd rihša lpumaihun d dudia šadilun 'l atrh kd qaiim hazin nišma nad u'tnauad unadalh kulh qumth balbušia ulhiia rbia u'laiia mgarilun uamar ka hinun d hiia d rihmit ka hu kušTa d bilbab šralh kahu zidqa d bkanpai aulit uamarulh ia nišma anat latra rba d nhura salqit lhia rbia u'laiia mahu d mgarit hab šumak urušumak ubriktak umaSbutak d nsabt mn gilia mia umn 'uSria d ziua umn mariba rba u'laia umn mambuhia rurbia d nhura umn hiia rbia u'laiia latra kd qaiim hazin nišma pahta uqaria umhauia uiahab šuma urušuma ubirikta umaSbuta umindam d nsab hazin nišma mn gilia mia umn 'uSria d ziua umn mariba rba u'laia umn mambuhia rurbia d nhura umn hiia rbia 'laiia unpal liTia alanpaihun uamrilh ia nišma rhuT umaTia uandib usaq udan uzakia qudam hiia rbia u'laiia adkar 'lan uamarlun qudam hiia rbia u'laiia man madkar 'lauaikun anatun gabaria uanin mkikia anatun alahia uanin anašia anatun 'ubadaikun umabadaikun d napšaikun madkar 'lauaikun ana misaq saliqna u'utria ahai salqia lqudamai l'utria ahai mšaiilna uamarnalun haza maTarta d man h' man mabaTba šailit uamrilh hazin maTarta d 'nbu sapra uhakima d halin supra qudamh rmilh uaspar dukrania l'dia matnalh lriš siprh uai rmilh ldnab siprh uai uai qaria uamarlia bhaza maTarta sipria urišaiia uprišaiia d hazin bainaihun ušamin b'udnaihun uqarin bpumaihun uiaadin blibaihun umindam d šapir d labdia mabTilun bhaza maTarta usalqilun bhirba unura u'sata alma liuma ium dina ualma lšita šaiia d prugana adita lhanath maTarta uamarna tum hauqa udahalta uziuihta qudamai laiit uazal hazin nišma ubga bhda maTarta hurintia d kbišiba mana d sada uhlaSa umSara ungada din d ladin dainilin lnišmata d anašia bišia bšauTia d nura mnangirilun lharašia ulharašata kd rihšia lpumaihun d atunia šadilun latrh kd qaiim hazin nišma nad utnauad unadalh kulh qumth balbuših ulhiia rbia u'laiia mgarilun uamar ka hinun

hiia d rihmit ka hu kušTa d bilbab šralia ka hu zidqa d bkanpai aulit uamrilh
 ia nišma anat latra rba d nhura salqit lhiia rbia u`laiia mahu d mqarit hab
 šumak urušumak ubiriktak umaSbutak d nsabt mn gilia mia umn `uSria d ziua umn
 mariba rba u`laia l`utria kd qaiim hazin nišma pahta uqaria umhauia uiahib
 šumh urušmh ubirikth umaSbuth mindam d nsib mn gilia mia umn `uSria d ziua umn
 mariba rba u`laia umn mambuhia rurbia d nhura mn qudam hiia rbia u`laiia anpal
 liTia alanpaihun uamrilh ia nišma rhuT umaTia uandib usaq udun uzakia qudam hiia
 rbia u`laiia adkar `lan uamarnalun qudam hiia rbia u`laiia man madkar `lauaikun
 anaton gabaria uanin mkikia anaton alahia uanin anašia anaton `ubadaikun
 umabadaikun d napšaikun nadkar `lauaikun ana misaq saliqna u`utria ahai bnia
 nhura salqia qudamai l`utria ahai amarna hazin maTarta d man h` uman mabaTba
 amrilh haza maTarta d šaba dmauata d qra ptahil uarbia lbišia uarbia mkasia klil
 pirSa uzaniuta brišaiin msatrilin pirSa uqulala bkanpaiin rmilin uhadiiin
 mgalilin lqlalalia usiTraiin primlin lšiuTuata utigra rmilun umSuta kbišlin
 urišaiin msatarlin mšaiilna uamarna haza maTarta d qra ptahil man mabaTba
 amrilia `utria ahai mabaTba bhaza maTarta halin d azlin lbit tamuza uiatbin
 tmania usrin unan unaksia anqia mizga agania uramia kudkia iatbia bmalia d bit
 dibat ukaSumia ukaSumiata uharšia uharašata ugaiaria uganabia uganabiata halin
d qaimia bbabia d habratin umaSita minilia upahta babia d lahdar `daihun mtabria
 hatmia d la`htam `daihun ušaria asaria d lasar `daihun unasba mindam d lahit `daihun
 halin d muzabnin halbaiin ugaTla bnaiin umhaian bnia d habratin `l`umSia ukasia
 kasia hadria gaTlia bnaiin urhaian bnia d habratin mabTilin bhaza maTarta
 usalqilin bhirba unura u`šata alma liuma ium dina ualma lšita šaiia d purqana
 adita lhanath maTarta uamarna tum hauqa udahalta uziuihta qudamai laiit uazal
 hazin nišma ubga bmaTarta hurintin d kbišiba mana d sada hlaSa umSara ungada
 udin d ladin dainilin lnišmata d anašia bišia ubšauTa d nura mnangirilan
 lharašia ulharašata kd rihšia lpumaihun d dudia šadilun latra kd qaiim hazin
 nišma nad utnauad unadalia kulh qumth balbuših ulhiia rbia u`laiia m qarilun
 uamar ka hinun hiia d rihmit ka hu kušTa d bilbab šralia ka hu zidqa d bkanpai
 aulit uamarlh ia nišma anat latra rba d nhura salqit ulhiia rbia u`laiia mahu
d m qarit hab šumak urušumak ubiriktak umaSbutak mindim d bak d nsabt mn
 gilia mia umn `uSria d ziua umn mariba rba u`laia umn iardna rba d asauata umn
 mambuhia rurbia d nhura mn qudam hiia rbia u`laiia latrh kd qaiim hazin nišma pahta
 uqaria umhauia uiahib šuma urušma ubirikta umaSbuta umindam d bh d nsib mn gilia
 mia umn `uSria d ziua umn mambuhia rurbia d nhura umn qudam hiia rbia u`laiia
 npal liTia alanpaihun uamria rhuT nišma umaTia undib usaq udun uzakia qudam
 hiia rbia u`laiia adkar `lan uamarnalun qudam hiia rbia u`laiia man madkar
 `lauaikun anaton gabaria uanin mkikia anaton alahia uanin anašia anaton
 `ubadaikun umabadaikun d napšaikun madkar `lauaikun ana misaq saliqna
 u`utria ahai bnia nhura salqia lqudamia l`utria ahai mšaiilna uamarnalun
 haza maTarta d man h` uman mabaTba uamrilh haza maTarta rurbia d nasbia bardbia
 rurbia uiahbua ubardbia dirdqia nasbia hbulia uhbul hbulia mabTilun bhaza
 maTarta usalqilun bhirba unura u`šata alma liuma ium dina ualma lšita šaiia
d purqana adita lhanath maTarta uamarna tum hauqa udahalta uziuihta urtitia
 qudamai laiit uazal hazin nišma ubga bmaTarta hurintia kbišiba mana d sada hlaSa
 umSara ungada udina d ladin dainilin lnišmata d anašia bišia bšauTa d nura mnangirilan
 lharašia ulharašata kd rihšia lpumaihun d dudia šadilun latria kd qaiim hazin nišma
 nad utnauad unadalh kulh qumth balbuših ulhiia rbia u`laiia m qarilun
 uamarlun ka hinun hiia d rihmit ka hu kušTa d bilbab šralia ka hu zidqa
d bkanpai aulit amarlh ia nišma anat latra rba u`laiia ulhiia rbia u`laiia
 mahu d m qarit hab šumak urušumak ubiriktak umaSbutak mindam d bak d nsibt
 mn gilia mia umn `uSria d ziua umn mambuhia rurbia d nhura umn mariba rba
 u`laiia umn iardna rba d asauata mn qudam hiia rbia u`laiia latrh kd qaiim hazin

nišma pihth uqaria umhauia uiahib šuma urušuma ubirikta umaSbuta mindam d bh
 hazin nišma d nsib mn gilia mia umn `uSria d ziua umn mambuhia rurbia d nhura umn
 hiia rbia u`laiia npal liTia alanpaihun uamrilh rhuT nišma umaTia undib udun
 uzkia qudam hiia rbia u`laiia adkar `lan uamarnalun qudam hiia rbia u`laiia man
 madkar `lauaikun anatun gabaria uanin mkikia anatun alahia uanin anašia anatun
 `ubadaikun umabadaikun d napšaikun nadkar `lauaikun ana misaq saliqna
 u`utria ahai bnia nhura salqia lqudamai l`utria ahai mšaiilna uamarnalun
 haza maTarta d man h` ulman naTra uman mabaTba šailit uamrilh hazin maTarta
 d haraša mšiha bra d ruha d kadba asiq lnapših alaha d naSuraiia uamrilh
 mabaTba bhaza maTarta qadišia ulqadišata uptulia uptulata u`zabia u`zabata
 ugubria d labaiin `nšia u`nšia d labaiin gubria bnia lahauilun gaTlia umaudin
 bnaiin bkarsaiin upasqilia lmazrutun haita d atatalun mn bit hiia mabaTibun
 bhaza maTarta usalqilun bhirba unura u`šata alma liuma ium dina ualma lšita
 šaiia d purqana uadita lhanath maTarta uamarna tum hauqa udahalta uziuihta urtitia
 qudamai laiit uazlit upigit bmaTarta hurintia d kbašiba mana d sada d hlaSa
 umSara upkara ungada udin d ladin dainilin lnišmata d anašia bišia bšauTa
 d nura mnangirilun lharašia ulharašata kd rihšia lpumaihun d dudia šadilun
 latrh kd qaiim hazin nišma nad u`tnauad unadalia kulh qumth balbuših ulhiia rbia
 u`laiia mqarilun uamar ka hinun hiia d rihmit ka hu kušTa d bilbab šralh ka hu zidqa
 d bkanpai aulit uamrilh ia nišma anat latra rba d nhura salqit ulhiia rbia
 u`laiia mahu d mqarit hab šumak urušumak ubiriktak umaSbutak umindam d nsibt mn
 gilia mia umn `uSria d ziua umn mambuhia rurbia d nhura umn iardna rba u`laiia
 latrh kd qaiim hazin nišma pihth uqaria umhauia uiahab šuma urušuma ubirikta
 umaSbuta umindam d bh d nsib mn gilia mia umn `uSria d ziua umn iardna rba
 d asauata umn mambuhia rurbia d nhura umn hiia rbia u`laiia anpal liTia
 alanpaihun uamrilh ia nišma rhuT umaTia undib usaq udun uzkia uamar u`štma
 qudam hiia rbia u`laiia adkar `lan amarnalun qudam hiia rbia u`laiia man
 madkar `lauaikun anatun gabaria uanin mkikia anatun alahia uanin anašia
 anatun `ubadaikun umabadaikun d napšaikun nadkrun `lauaikun ana misaq saliqna
 u`utria ahai bnia nhura salqia lqudamai l`utria ahai mšaiilna uamarna haza
 maTarta d man h` uman mabaTba uamria `utria ahai haza maTarta d `uat ruha d qudša
 uamria mabaTba bhaza maTarta Saiamia uSaiamata Saimia Sauma d aula umSalin
 Sluta d kadba halin d kapnin ulahma laklin uŠahin umia lašatin ubiblia umalia
 iatbin urišaiun nagdia ušlama laiaibia mabTilun bhaza maTarta usalqilun
 bhirba unura u`šata alma liuma ium dina ualma lšita šaiia d purqana adita
 lhanath maTarta uamarna tum hauqa udahalta uziuihta urtitia lqudamai laiit uazal
 hazin nišma ubga bmaTarta hurintin d kbišiba mana d sada hlaSa umSara ungada udin
 d ladin dainilin `l nišmata d anašia bišia bšauTa d nura mnangirilun lharašia
 ulharašata kd rihšia lpumaihun d atunia šadilun latria kd qaiim hazin nišma nad
 u`tnauad unadalia kulh qumth balbuših ulhiia rbia u`laiia mqarilun uamar ka hinun
 hiia d rihmit ka hu kušTa d bilbab šralh ka hu zidqa d bkanpai aulit uamrilia
 anat latra rba d nhura salqit lhiia rbia u`laiia mahu d mqarit hab šumak
 urušumak ubiriktak umaSbutak umindam d bak d nsibt mn gilia mia umn `uSria d ziua
 umn mariba rba u`laiia umn iardna rba d asauata umn mambuhia rurbia d nhura umn hiia
 rbia u`laiia latrh kd qaiim hazin nišma pahta uqaria umhauia uiahib šumia
 urušumia ubirikth umaSbutu umindam d bh d nsib hazin nišma mn gilia mia umn
 `uSria d ziua umn mambuhia rurbia d nhura umn qudam hiia rbia u`laiia man
 madkar `lauaikun npal liTia `l anpaihun uamrilh anat nišma rhuT umaTia undib saq
 udun uzkia uamur u`štma qudam hiia rbia u`laiia adkar `lan uamarnalun qudam
 hiia rbia u`laiia man madkar `lauaikun anatun gabaria uanin mkikia anatun
 alahia uanin anašia anatun `ubadaikun umabadaikun d napšaikun nadkar `lauaikun ana
 masaq saliqna u`utria ahai bnia nhura salqia qudamai l`utria ahai mšaiilna
 uamarnalun haza maTarta d man h` uman mabaTba uamrilh `utria ahai mabaTba bišia

d qra ptahil mabaTba bhaza maTarta singiania rurbia šaliTania d iatbia
lkarsauata d mirda u`bidata bšauTa abdia uzma btibil ašdia lhaiabia mzakilh
ulzakaiia mhaiabilh unasbia šuda umqabilia qurbana uapkia dina umSalin dina
unapqia lšuqia d tibil d lahazin amria udla šamia mištaia iamia ‘umamata d kadba
umsahdia sahduta d aula mabTilun bhaza maTarta usalqilun bhirba unura u‘šata
alma liuma ium dina ualma lšita šaiia d purqana uadita lhanath maTarta uamarna tum
hauqa udahalta uziuihta urtitia latihuia lqudamai laiit uazlit umaTit
maTarta d abatur atiqā rama kasia unTira l`utria ahai mšaiilna uamarnalun haza
maTarta d man h`uman mabaTba `utria ahai amrilia haza maTarta d abatur atiqā
rama kasia unTira d aqamh triS muzania taqil `ubadia uagria taqil umaluia ruha
mn nišimta d taqil taqilh ušalim asiq bit hiia asmkuia d taqil ulašalim mn tam
šarin tigrh mšaiilna uamarna haza maTarta d abatur man h`uman mabaTba uamrilia
mabaTba halin naSuraiia d lahun naSuraiia d anpia iuma la‘dun ubhabšaba lasgun
lmaškna urišaihun lakabšia ulasbar uphulta laplah uzidqa laniia la‘hab ubaba
laniia laptulh ušuma d aula rma lnapšaihun uasiq lnapšaihun naSuraiia latrh kd
qaiim hazin nišma rstkia uhizih laiar gupna br priauis gupna d `qbh mia uširših
kana rba d nišmata aupia ‘utria ualuath pasimkia d nhura aTirpa šqal hazin nišma
minh šqal ainh atnh ‘šqilh bluqia mn ainh `stkie hizia laiad baraia uldaura
taqna udalulh lhaza nišma knap hiia uaiil badmu hiia smkuia hiia smak lhiia uhiia
aška dilun uhiia dilun aška uaškat nišmat d msakia hiia liadin hiia lsabrin uhiia
lgubria masbiranan uqaiamin hiia bškinatun uhiia zakin lkulhun ‘ubadia
sa